



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02 -11-4-7722-9/22

Datum: 23.12.2022.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za nabavku kancelarijskog namještaja za potrebe Uprave policije, imenovane Rješenjem broj: 02/5-1-30-1-5535 od 08.08.2022. godine, u postupku javne nabavke kancelarijskog namještaja, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU O IZBORU NAJPOVOLJNIJEG PONUĐAČA I DODJELI UGOVORA

I

Prihvata se preporuka Komisije za nabavku kancelarijskog namještaja za potrebe Uprave policije i ugovor za javnu nabavku kancelarijskog namještaja za potrebe Uprave policije Ministarstva unutrašnjih poslova Kantona Sarajevo dodjeljuje ponuđačima:

- R&S d.o.o. Sarajevo i to za:
 - ✓ LOT 1 – Stolice u iznosu od 16.896,00 KM bez PDV-a.
- INTER-COM d.o.o. Zenica, i to za:
 - ✓ LOT 2 – Kancelarijski stolovi i ormari za ponuđenu cijenu od 10.780,00 KM bez PDV-a
 - ✓ LOT 3 – Metalni ormari za ponuđenu cijenu od 6.180,00 KM bez PDV-a

II

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranim ponuđačima R&S d.o.o. Sarajevo za LOT 1 i INTER-COM d.o.o. Zenica za LOT 2 i LOT 3 po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

III

Izabrani ponuđači za LOT 1 – R&S d.o.o. Sarajevo i za LOT 2 i LOT 3 – INTER-COM d.o.o. Zenica dužan je da u roku od 5 (pet) dana od dana prijema ove odluke dostavi dokaze navedene u tački 12. i 13.2 tenderske dokumentacije, a koje se odnose na član 45. stav (2) tačka od a) do d) i na član 47. stav (1) tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca (za član 45. stav 2. tačka od a) do d)), računajući od momenta predaje ponude.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-7722/22 od 28.10.2022. godine i Obavještenja o nabavci broj: 16475-1-1-51-3-96/22 od 31.10.2022. godine, proveden je otvoreni postupak javne nabavke kancelarijskog namještaja za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-7722/22 od 21.11.2022. godine, za aktivno učešće u postupku dostavljene su ponude ponuđača za:

- LOT 1 - Stolice – HAFELE BH d.o.o. Gračanica, LARIX d.o.o. Doboj i R&S d.o.o. Sarajevo
- LOT 2 – Kancelarijski stolovi i ormari – HAFELE BH d.o.o. Gračanica, LARIX d.o.o. Doboj, ES-SALERNO d.o.o. Živinice, INTER-COM d.o.o. Zenica, MIRA-MAR d.o.o. Foča i R&S d.o.o. Sarajevo
- LOT 3 – Metalni ormari – LARIX d.o.o. Doboj, INTER-COM d.o.o. Zenica i ADUT PLUS d.o.o. Banja Luka.

Na otvaranju ponuda Komisija je konstatovala da je na protol Ugovornog organa MIRA-MAR d.o.o. Foča, u zatvorenoj koverti koja je oštećena na krajevima. Prilikom pregleda koverta ponude, Komisija je utvrdila da integritet ponude nije doveden u pitanje, jer koverta nije otvorena, pečat ponuđača na koverti i sadržaj iz koverta nisu oštećeni, te se sadržaju iz koverta nije moglo pristupiti. Ova činjenica je konstatovana u Zapisniku sa otvaranja ponuda i u Zapisniku o pregledu i ocjeni ponuda.

Komisija je prilikom pregleda i ocjene ponuda utvrdila da je ponuđač R&S d.o.o. Sarajevo u svojoj ponudi naveo nosivost kancelarijske stolice - daktilo 20 kg, te da je stolica testirana u skladu sa standardom 1335. Kako je u tenderskoj dokumentaciji tražena min nosivost za stolice 120 kg, od ponuđača je zatraženo pojašnjenje.

Dana 15.12.2022. godine upućen je zahtjev za pojašnjenje priložene dokumentacije u ponudi ponuđača R&S d.o.o. Sarajevo broj: 02/6-11-4-7722-6/22 za LOT 1.

Ponuđač R&S d.o.o. Sarajevo je dostavio odgovor u ostavljenom roku, koji je Komisija procjenila kao zadovoljavajući.

U ponudi ponuđača ADUT PLUS d.o.o. Banja Luka izvršena je ispravka:

- Na strani 13. – u Pismenoj izjavi iz člana 52. Zakona o javnim nabavkama (Aneks VI) izvršena je ispravka parafa ovlaštenog lica za potpis stranica, (ispravka nije urađena na propisan način).

Komisija za nabavku kancelarijskog namještaja za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-7722-7/22 od 19.12.2022. godine, kojim je utvrdila sljedeće:

- da je ponuda ponuđača HAFELE BH d.o.o. Gračanica za LOT 1 i LOT 2 nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, u tački 13.3., u svrhu dokazivanja tehničke i profesionalne sposobnosti ponuđača, ponuđači trebaju ispunjavati i sljedeće minimalne uslove: „b) Tehnička specifikacija za sve ponuđene robe, u kojoj se vidi da ista zadovoljava tražene karakteristike utvrđene u Tehničkoj specifikaciji Obrasca za cijenu ponude – Aneks III ove tenderske dokumentacije.,,

Tehnička specifikacija koju je ponuđač dostavio na strani 13. i 15. svoje ponude za LOT 1 ne sadrži jasne karakteristike ponuđene robe, odnosno dimenzije kancelarijske stolice – fotelja (visina

naslona, dubina sjedišta) su navedene neodređeno, kao i navedene dimenzije za kancelarijske stolice - daktilo. Dimenzije su navedene sa oznakom min (kao što je to navedeno i u tehničkoj specifikaciji u tenderskoj dokumentaciji), što nije u skladu sa zahtjevima iz tenderske dokumentacije. Ponuđač nije na jasan način precizirao kolike su navedene dimenzije stolica, tako da nije jasno koje tačno dimenzije stolica ima i samim tim šta bi bio predmet isporuke.

Tehnička specifikacija koju je ponuđač dostavio na strani 11. i 13. svoje ponude za LOT 2 ne sadrži jasne karakteristike ponuđene robe, odnosno ne sadrži traženu boju tehničkom specifikacijom datom u Obrascu za cijenu ponude – Aneks III tenderske dokumentacije. U dostavljenoj ponudi za sve ponuđene robe boja je definisana neodređeno „boja po izboru naručioca“. Takođe, broj polica u ormaru naveden je sa oznakom min (kao što je to navedeno i u tehničkoj specifikaciji u tenderskoj dokumentaciji), što nije u skladu sa zahtjevima iz tenderske dokumentacije. Ponuđač nije na jasan način precizirao koliko polica model ormara kojeg nudi sadrži i samim tim šta bi bio predmet isporuke.

U skladu sa naprijed navedenim, ponuda ponuđača HAFELE BH d.o.o. Gračanica za Lot 1 i Lot 2 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da je ponuda ponuđača LARIX d.o.o. Doboj za LOT 1 nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, u tački 13.3., u svrhu dokazivanja tehničke i profesionalne sposobnosti ponuđača, ponuđači trebaju ispunjavati i sljedeće minimalne uslove: „b) Tehnička specifikacija za sve ponuđene robe, u kojoj se vidi da ista zadovoljava tražene karakteristike utvrđene u Tehničkoj specifikaciji Obrasca za cijenu ponude – Aneks III ove tenderske dokumentacije., U dostavljenoj ponudi na strani 47. priložena je tehnička specifikacija za robe koje su predmet nabavke ovog lota. U tehničkoj specifikaciji je naveden proizvođač i model stolica koje ponuđač nudi, ali iz iste nisu vidljive dimenzije ponuđenih stolica. Takođe, u tehničkoj specifikaciji koja je data u Obrascu za cijenu ponude – Aneks III tenderske dokumentacije, specificirano je da „baza stolice treba da je od kromiranog metala”, ponuđač u dostavljenoj specifikaciji u svojoj ponudi navodi da su slike prikaz stolice, a ugovornom organu će biti isporučene stolice sa kromiranom bazom. Ugovorni organ je uslovima tenderske dokumentacije tražio tehničku specifikaciju u kojoj se vidi da ista zadovoljava tražene karakteristike utvrđene u Tehničkoj specifikaciji Obrasca za cijenu ponude – Aneks III tenderske dokumentacije.

U skladu sa naprijed navedenim, ponuda ponuđača LARIX BH d.o.o. Doboj za Lot 1 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da je ponuda ponuđača ADUT PLUS d.o.o. Banja Luka za LOT 3 nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, u tački 13.3., u svrhu dokazivanja tehničke i profesionalne sposobnosti ponuđača, ponuđači trebaju ispunjavati i sljedeće minimalne uslove: „b) Tehnička specifikacija za sve ponuđene robe, u kojoj se vidi da ista zadovoljava tražene karakteristike utvrđene u Tehničkoj specifikaciji Obrasca za cijenu ponude – Aneks III ove tenderske dokumentacije., Tehnička specifikacija koju je ponuđač dostavio na strani 21. i 22. svoje ponude za LOT 3 ne sadrži jasne karakteristike ponuđene robe, zapravo se radi o skici ponuđenih metalnih ormara sa kotiranim dimenzijama.

U obrascu za cijenu ponude – Aneks III ponuđač ADUT PLUS d.o.o. Banja Luka nije naveo, u za to predviđenoj rubrici, proizvođača i model robe koju nudi. Isto nije navedeno/naznačeno ni u dostavljenoj tehničkoj specifikaciji u svojoj ponudi.

Takođe, utvrđeno je da je vršena ispravka parafa ovlaštenog lica za potpis stranica na strani 13. – u Pismenoj izjavi iz člana 52. Zakona o javnim nabavkama (Aneks VI) koja nije urađena na ispravan način, a u skladu sa članom 18. stav (1) tačka m) Uputstva za pripremu modela tenderske dokumentacije i ponuda („Službeni glasnik BiH“, broj: 39/14 i 20/15).

U skladu sa naprijed navedenim, ponuda ponuđača ADUT PLUS d.o.o. Banja Luka za Lot 3 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da je ponuda ponuđača ES-SALERNO d.o.o. Živinice za LOT 2 nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, ponuđač je bio obavezan u ponudi dostaviti „a) spisak izvršenih ugovora o uspješno isporučenim robama (uspješno realizovanom/im ugovoru/ima), iz oblasti predmetne nabavke, odnosno ugovora koji su u vezi sa predmetnom nabavkom, u toku posljednje tri godine (2019.-2021.), ili od datuma registracije privrednog subjekta, ukoliko je registrovan poslije navedenog perioda, u visini minimalno 50% od procijenjene vrijednosti lota za koji se ponuđač prijavljuje.“ zatim „b) Tehničku specifikaciju za sve ponuđene robe, u kojoj se vidi da ista zadovoljava tražene karakteristike utvrđene u Tehničkoj specifikaciji Obrasca za cijenu ponude – Aneks III ove tenderske dokumentacije., te „Izjavu da je ponuđena roba nova i nekorisćena i o garanciji za isporučenu robu, a minimalno prema zahtjevima iz tenderske dokumentacije (formu izjave propisuje ponuđač). Navedene dokumente, kojima dokazuje ispunjenost uslova iz tačke 13.3. tenderske dokumentacije (član 49. ZJN), ponuđač ES-SALERNO d.o.o. Živinice u svojoj ponudi nije dostavio.

U skladu sa naprijed navedenim, ponuda ponuđača ES-SALERNO d.o.o. Živinice za Lot 2 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da je ponuda ponuđača R&S d.o.o. Sarajevo za LOT 2 nepotpuna i ne ispunjava uslove iz tačke 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Naime, u tački 13.3., u svrhu dokazivanja tehničke i profesionalne sposobnosti ponuđača, ponuđači trebaju ispunjavati i sljedeće minimalne uslove: „b) Tehnička specifikacija za sve ponuđene robe, u kojoj se vidi da ista zadovoljava tražene karakteristike utvrđene u Tehničkoj specifikaciji Obrasca za cijenu ponude – Aneks III ove tenderske dokumentacije.,,

Tehnička specifikacija koju je ponuđač dostavio na strani 15. svoje ponude za LOT 2 ne sadrži jasne karakteristike ponuđene robe, odnosno broj polica u ormaru nije naveden, već je ponuđač naveo da je „unutrašnjost ormara podesiva za više polica“, što nije u skladu sa zahtjevima iz tenderske dokumentacije. Ponuđač nije na jasan način precizirao koliko polica model ormara kojeg nudi sadrži i samim tim šta bi bio predmet isporuke.

U skladu sa naprijed navedenim, ponuda ponuđača R&S d.o.o. Sarajevo za LOT 2 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponuda ponuđača LARIX d.o.o. Doboj za LOT 2 i LOT 3, R&S d.o.o. Sarajevo za LOT 1, INTER-COM d.o.o. Zenica za LOT 2 i LOT 3 i MIRA-MAR d.o.o. Foča za LOT 2 sadrže sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjava sve zahtjeve Ugovornog organa.

Uvidom u ponude ponuđača INTER-COM d.o.o. Zenica i LARIX d.o.o. Doboj Komisija je utvrdila da su ponuđene ukupne cijene za LOT 3 neznatno veće od procijenjene vrijednosti nabavke za LOT 3. Shodno mišljenju AJN BiH broj: 02-02-1-2451-2/22 od 01.11.2022. godine, u kom stoji: „U cilju osiguranja principa zakonitosti i zaštite prava i interesa učesnika postupka javne nabavke ugovorni organ primjenjuje propis koji važi u momentu objave obavještenja o nabavci ili upućivanja zahtjeva za učešće kandidatima za postupke koji nemaju obavještenje o nabavci. Shodno tome, za postupak javne nabavke koji je pokrenut objavom obavještenja o nabavci ili upućivanjem zahtjeva za učešće prije 10.12.2022. godine ugovorni organ primjenjuje odredbe propisa koji je važio u momentu objave obavještenja o nabavci ili upućivanja zahtjeva za učešće.“, Komisija je ocjenila navedene ponude kao prihvatljive.

Budući da se u postupcima nabavki u kojima se provodi e-Aukcija ponude rangiraju nakon e-Aukcije, tako se i odluka o izboru/poništenju postupka nabavke donosi nakon e-Aukcije.

Nakon ovoga stekli su se uslovi za zakazivanje e-aukcije.

E-aukcija je zakazana za dan 21.12.2022. godine sa početkom u:

- 9.30 sati za Lot 2;
- 10.00 sati za Lot 3.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije je došlo do smanjivanja cijena i podnošenja novih ponuda za LOT 2.

Komisija, takođe konstatuje da je ponuđena cijena od 6.180,00 KM bez PDV-a neznatno veća od procjenjene vrijednosti nabavke za LOT 3. Međutim, kako su ponude za LOT 1 i LOT 2 manje od procjenjene vrijednosti nabavke, nabavka će biti usklađena sa planiranim Budžetskim sredstvima.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- INTER-COM d.o.o. Zenica, i to za:
 - ✓ LOT 2 – Kancelarijski stolovi i ormari za ponuđenu cijenu od 10.780,00 KM bez PDV-a
 - ✓ LOT 3 – Metalni ormari za ponuđenu cijenu od 6.180,00 KM bez PDV-a

Za LOT 1 je podnesena jedna prihvatljiva ponuda, i to:

- R&S d.o.o. Sarajevo i to za:
 - ✓ LOT 1 – Stolice u iznosu od 16.896,00 KM bez PDV-a.

U postupku za LOT 1 je podnesena samo jedna prihvatljiva ponuda te postupajući u skladu sa članom 3., stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) postupak za LOT 1 se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za nabavku kancelarijskog namještaja
2. Ponuđaču x7
3. Odjeljenju za odnose s javnošću, radi objave na web stranici ovog organa
4. a/a